

廬山記卷第四

古人留題篇第六

廬山古今人留題多矣。清言麗句。既落人口。山翁野老。相傳不絕。雖深巖窮谷。人跡罕至。人之相去。復數百歲。因其詞。想其風。有若履舄並遊。而几案親相與言焉。夫文章之可傳也。如此。其可忽諸。故晉宋諸賢山中詩。往往有可見者。本朝張晦之。羈遊廬山甚久。水石佳處。詩多中的。自有廬山集。承平以來。人尚風雅。朝廷之士。登高臨遠。亦有風人騷客之興。凡所遺篇什。皆一時間人。歲月且近。不患無傳也。今錄唐已前人詩。著於篇。相注此處似有脫字貴耳而賤目。以擅去取也。

遊廬山

慧遠

崇巖吐清氣注或作幽岫棲神跡。希聲奏羣籟。響出山溜滴。有客獨冥

宋陳舜俞廬山記合校本

卷四

五一 重修廬山志副刊品

游。逕然忘所適。揮手撫雲門。靈關安足闢。流心叩玄扃。感至理弗隔。孰是騰九霄。不奮冲天翮。妙同趣自地未見全文。注此詩大正本誤字六據康

熙原刊本毛編廬山志所載逕為刊正所謂未見全文者則祇一悟超三益一句特補之

奉和

劉遺民

理神固超絕。涉麓罕不羣。孰至消煙外。曉然與物分。冥冥玄谷裏。響集自可聞。文峰無曠秀。交嶺有通雲。悟深婉冲思。在要開冥欣。中巖擁微興注與下岫想幽聞。弱明反歸鑒。暴懷傳靈薰。永陶津玄匠。落照俟虛斤。

奉和

王喬之

超遊罕神遇。妙善自玄同。徹彼虛明域。曖然塵有封。衆阜平廖廓。一岫獨凌空。霄景憑巖落。清氣與時雍。有標造神極。有客越其峰。長河濯茂楚。險雨列秋松。危步臨絕冥。靈壑映萬重。風泉調遠氣。

遙響多啾啾。遐麗既悠然。餘盼覲九江。事屬天人界。常聞清吹空。

奉和

張野

覲嶺混太象。望崖莫由檢。器遠蘊其天。超步不階漸。竭來越重垠。一舉拔塵染。遼朗中大盼。迥豁選瞻慊。乘此櫨瑩心。可以忘遺玷。曠風被幽宅。妖塗故死滅。

入彭蠡湖口作

謝靈運

客游倦水宿。風潮難具論。洲島驟回合。坳岸屢崩奔。乘月聽哀狹。浥露馥芳蓀。春晚綠野秀。巖高白雲屯。千念集日夜。萬感盈朝昏。攀崖照石鏡。牽葉入松門。三江事多往。九派理空存。靈物各珍怪。異人祕精魂。金膏滅明光。水碧綴流溫。徒作千里曲。絃絕念彌敦。

望石門

同前

明發振雲冠。升嶠遠栖趾。高峰隔半天。長崖斷千里。雞鳴清澗中。

宋陳舜俞廬山記合校本

卷四

五一

重修廬山志副刊品

猿嘯白雲裏。瑤波遂空開。霞石觸峰起。回互非一形。參差悉相似。

登石門最高頂

晨策尋絕壁。夕息在山樓。疏峰枕高館。對嶺臨回溪。長林羅戶庭。積石擁階基。連巖覺路塞。密竹使逕迷。來人忘新術。去子或故蹊。活活夕流駛。嗷嗷夜猿啼。沈冥豈別理。守道自不攜。心契九秋幹。目玩三春蕘。居常以待終。處順故安擠。惜無同懷客。共登青雲梯。

登廬山

登。

懸裝亂水區。旅薄注一作次山楹。千巖盛注盛一作狀一阻積。萬壑勢迴縈。

巖從高昔貌。紛亂襲前名。洞澗窺地脈。聳樹隱天經。松磴上迷密。

雲竇下縱橫。陰水實夏結。炎樹信冬榮。注大正本于嘈噴晨鷗思。叫

嘯夜猿清。深巖伏化跡。穹岫闕長靈。乘此樂山性。重以遠遊情。方

躋羽人途。永與煙霧并

注

此詩誤字三又奪尾八句
茲校正并補錄尾八句

從冠軍建平王登香爐峰

江淹

廣成愛神鼎。淮南好丹經。此山具鸞鶴。往古盡仙靈。瑤草正翕絕。玉樹信葱菁。絳氣下縈薄。白雲上杳冥。中坐瞰蜿虹。俯伏視流星。不尋遐怪極。則知耳目驚。日落長沙渚。曾陰萬里生。藉蘭素多意。臨風默含情。方學松柏隱。羞遂市井名。奉承光誦末。伏思託後矜。

東林寺

劉孝綽

月殿耀珠幡。風輪和寶鐸。朝猿響薜棟。夜水聲惟注惟或箔。未見全篇為惟誤。

題簡寂觀

張正見

三梁澗本絕。千仞路猶通。即此神山內。銀榜映仙宮。鏡似臨峰月。流如飲澗虹。幽桂無斜影。深松有勁風。唯當遠人望。知在白雲中。

秋晚還彭澤

同前

注大正本誤四字脫一字據康熙本毛志正之

宋陳舜俞廬山記合校本

卷四

五三

重修廬山志副刊品

遊人及丘壑。秋氣滿平臯。路積康成帶。門疎仲蔚蒿。山明雲色畫注畫

當為畫之誤天靜鳥飛高。自有東籬菊。還持泛濁醪。

還彭澤山中早發

同前

搖落山中曙。秋氣滿林隈。螢光映草頭。鳥影出枝來。殘暑避日盡。斷霞逐風開。空返陶潛縣。終無宋玉才。

登廬山

劉琨

野煙出爐注爐當是廬誤上。山花落鏡前。危梁取大壑。瀑布挂注挂當為挂之誤中天。

秦始眺宇宙。漢武上旌旃。結廬注廬當為廬之誤分往籍。留留映遐年。未

見全篇

遊東林寺

崔融

昨度匡山下。春鸚曉弄稀。今來溢水曲。秋雁晚行飛。國有文皇召。人慚謫傅注傅或歸傳之誤。迴行過梵塔。歷覽遍吳畿。杏樹栽時久。蓮花刻

處注處下脫一字南溪雨颯颯。東峴日輝輝。瀑溜天童棒。香爐法衆圍。煙雲隨道路。鸞鶴遠驂騑。遠上靈儀肅。生玄談柄揮。一茲觀佛影。暫欲罷朝衣。

元和十三年二月二十九日曾孫朝散大夫使持節江州諸軍事江州刺史上柱國清河縣開國男賜紫金魚袋能再刊勒

晚泊尋陽望廬山

孟浩然

挂席幾千里。名山都未逢。泊舟潯陽郭。始見香爐峯。嘗讀遠公傳。永懷塵外蹤。東林精舍近。日暮但注但一作空一聞鐘。

彭蠡湖中望廬山

同前

大虛生月暈。舟子知天風。挂席候明發。渺漫彭注彭一作平一湖中。中流見匡阜。注匡阜一作遙島勢壓九江雄。黯默容霽色。崢嶸當曙空。香爐初上日。瀑布噴成虹。久欲追向注向或子一作向子。況茲懷遠公。我來限於役。未暇

息微躬。淮海途將半。暑霜歲欲窮。寄言巖栖者。畢趣當來同。

廬山謠寄盧侍御虛舟

李白

我本楚狂人。注狂一作風歌笑孔丘。手持綠玉杖。朝別黃鶴樓。五岳尋仙不辭遠。一生好入名山遊。廬山秀出南斗傍。屏風九疊雲錦張。影落明湖青黛光。金闕前開二峰長。銀河倒挂三石梁。香爐瀑布遙相望。回崖沓嶂凌蒼蒼。翠影紅霞映朝日。鳥飛不到吳天長。登高壯觀天地間。大江茫茫去不還。黃雲萬里動風色。白波九道流雪山。好爲廬山謠。興爲廬山發。閑窺石鏡清我心。謝公行處蒼苔沒。一本云綠蘿開處懸明月早服還丹無世情。琴心三疊道初成。遙見仙人綵雲裏。手把芙蓉朝玉京。先期汗漫九垓上。願接盧敖遊太清。

別東林寺僧

同前

東林送客處。月出白猿啼。笑別廬山遠。何煩過虎溪。

望廬山瀑布水

同前

西登香爐岸。南見瀑布水。挂流三百丈。噴壑數十里。注大正本作欵千尺似誤如飛電來。隱若白虹起。初驚河漢落。半灑雲天裏。仰觀勢轉雄。壯哉造化功。海風吹不斷。江月照還空。空中亂濛射。左右洗青壁。飛珠散輕霞。流沫沸穹石。而我游注游一作樂一名山。對之心益閑。且諧宿所好。永願辭人間。

望廬山瀑布水

注大正本脫題目

同前

日照香爐生紫煙。遙看瀑布挂長川。飛流直下三千尺。疑是銀河落九天。

望廬山五老峰

同前

廬山東南五老峰。青天削出金芙蓉。九江秀色可攬結。吾將此地鑲雲松。注鑲為巢誤

宋陳舜俞廬山記合校本

卷四

五五

重修廬山志副刊品

送李女真騰空歸廬山

同前

羨君相門女。學道愛神仙。素手掬秋靄。羅衣曳紫煙。一往屏風疊。乘鸞著玉鞭。

送內尋騰空

同前

君尋騰空子。應到碧山家。水春雲母碓。風掃石南注南一作南花。若戀幽居好。相邀弄紫霞。

瀑布

宣宗皇帝

穿雲透石不辭勞。達注達或為達之誤地方知出處高。溪澗豈能留得住。終歸大海作波濤。

栗里

注朱子全集此題作醉石

顏真卿

張良思報漢。龔勝恥事新。狙擊苦不就。捨生悲縉紳。嗚乎陶淵明。

弈葉爲晉臣。自以公相後。每懷宗國屯。題詩庚子歲。自爲義皇人。手持山海經。頭戴漉酒巾。興逐孤雲遠。心隨還鳥泯。未見全篇注

本此詩誤字六查朱子于此詩有跋即引陳紀所載想全篇久佚矣茲據朱子全集正其誤字

簡寂觀

張祐

紫霄峰下草堂仙。千載空遺石磬懸。白氣夜生龍在水。碧雲秋斷鶴歸天。竹房影占中庭月。松檻聲來半壁泉。明日又爲浮世恨。滿山徒積夢依然。

春日觀省屬城始憩東西林精舍

韋應物

因時省風俗。布惠迨高年。建隼出尋陽。整駕遊山川。白雪歛晴壑。羣峰列遙天。嶽嶽石門狀。杳靄香爐煙。榛荒屢絹挂。遙側始覆顛。方臻釋氏廬。時物屢華妍。曇遠昔經始。於茲閔幽玄。東西竹林寺。灌注寒澗泉。人事既云泯。歲月復已綿。殿宇餘丹紺。磴閣峭欹懸。

宋陳舜俞廬山記合校本

卷四

五六

重修廬山志副刊品

佳士亦棲息。善身絕塵緣。今我蒙朝寄。教化敷里鄣。道妙苟爲得。出處理無偏。心管同所尚。跡豈辭纏牽。

注大正本脫一字誤二字

題從姪緒西林精舍書齋

同前

棲心始注始一作齒多暮。息心君獨少。慕謝始精舍。依僧欲觀妙。冽泉前

階注。清池北窗照。果藥雜芳敷。松筠疎菁峭。屢躋幽人境。每肆芳辰眺。探栗玄猿窟。擷芝舟林嶠。紵衣豈寒禦。蔬食非飢療。雖甘巷北單。注大正本原校巷北單爲陋巷之誤豈寒青紫耀。郡有優賢榻。朝編貢士詒。欲

同朱輪載。勿憚移文誚。注大正本衍一字誤一字

題鄭侍御遺愛草堂

同前

居士近依僧。注依僧或作林泉青山結茅屋。疎松映嵐晚。春池含苔綠。繁華冒陽嶺。新禽響幽谷。長嘯攀喬林。慕茲高世躅。

簡寂觀西澗瀑布下作

同前

淙流絕壁散。虛煙翠澗深。巖際松風起。飄飄瀉注瀉一作灑一塵襟。窺蘿玩
猿鳥。解組傲雲林。茶瓜邀真侶。觴酌協同心。曠歲懷幽賞。行春始
重尋。聊將橫笛吹。一寫山水音。注大正本
誤七字

尋簡寂觀瀑布

躡石欹危過急澗。攀崖迢遞弄懸泉。猶將虎竹爲身累。欲付歸人絕世
緣。注大正本
誤一字

簡寂觀

秦韜玉

物外靈蹤客到稀。竹房斜掩舊荆扉。丹書萬卷題朱字。碧岫千重鎖翠
微。泣露白猿攜子去。唳風玄鶴傍人歸。只應玉闕名長在。日暮閑雲
空自飛。

瀑布

陸蟾

正源人莫測。千尺掛雲端。岳色染不得。神功裁亦難。夏噴猿鳥凝。

宋陳舜俞廬山記合校本

卷四

五七

重修廬山志副刊品

注凝秋濺斗牛寒。待濟滄溟後。翻濤更好看。

翻經台

包吉

野蔓高臺下。前朝記不誣。金文翻古偈。漢字變胡書。綵線風飄斷。
細縑火燼餘。破雲開白日。穿水照芙蓉。科斗頻更改。菴園幾遍鋤。
真門兼逸韻。兩欲幕相如。

題西林寺故蕭郎中舊堂

韓愈

中郎有女能傳業。伯道無兒可保家。偶到匡山曾住處。數注數一作幾一行哀
淚落煙霞。

瀑布

徐凝

瀑泉瀑泉千丈直。雷奔入海無暫息。今古長如白練飛。一條界破青山
色。

訪陶公舊宅并序

白居易

予夙慕陶淵明爲人。往歲涓川閑居。嘗有效陶體詩十六首。今遊廬山。經柴桑故里。思其人訪其宅。不能默默。又題詩云。
垢塵不污玉。靈鳳不啄羶。嗚呼陶靖節。生彼晉宋間。心寶有所守。口終不能言。永惟孤竹子。拂衣首陽山。夷齊各一身。窮餓未爲難。先生有五男。與之同飢寒。腸中食不充。身上衣不完。連徵竟不起。斯可謂眞賢。我生君之後。相去五百年。每讀五柳傳。目注日一想心拳拳。昔嘗詠遺風。著爲十六篇。今來訪故宅。森若君在前。不慕樽有酒。不慕琴無絃。慕君遺榮利。老死此丘園。柴桑古村落。栗里舊山川。不見籬下菊。但餘墟中煙。子孫雖無聞。族氏猶未遷。每逢姓陶人。使我心依然。

春遊二林寺

同前

下馬西林寺。翛然進輕策。朝爲公府吏。暮是靈山客。二月匡廬北。冰雪始消釋。陽叢抽茗芽。陰竇洩泉脈。熙熙風土暖。藹藹雲嵐積。散作萬壑春。凝爲一氣碧。身閑易澹泊。官散無牽迫。緬彼十八賢。古今同此適。是年淮寇起。處處興兵革。暫士勞思謀。戎臣苦征役。獨有不才者。山中弄泉石。注大正本脫一字誤三字

遊石門澗

同前

石門無舊徑。披榛訪遺跡。時逢山水秋。清輝如古昔。嘗聞慧遠輩。題詩此巖壁。雲覆莓苔封。蒼然無處覓。蕭疎野生竹。崩剝多年石。自從東晉後。無復人遊歷。獨有秋澗聲。潺湲空旦夕。

題元十八溪亭

在廬山東南五老峰之下

同前

怪君不喜仕。又不遊州里。今日到幽居。了然知所以。宿君石溪亭。潺湲聲滿耳。飲君螺盃酒。醉臥不能起。見君五老峰。益悔居城市。愛君三男兒。始歎身無子。余方爐峰下。結室爲居士。山北與山南。

往來從此始。

香爐峰下新置草堂即事詠懷題於石上

香爐峰北面。遺愛寺西偏。白石何鑿清流亦潺湲。有松數十株。有竹千餘竿。松張翠繖蓋。竹倚青琅玕。其下無人居。惜哉多歲年。有時聚猿鳥。終日空風煙。時有沈冥子。姓白字樂天。平生無所好。見此心依然。如獲終老地。忽乎不知還。架巖結茅宇。斷壑開茶園。何以洗我耳。屋頭落飛泉。何以淨我眼。砌下生白蓮。左手攜一壺。右手挈五絃。傲然意自足。箕踞於其間。興酣仰天歌。歌中聊寄言。言我本野夫。誤為世網牽。時來昔捧日。老去今歸山。倦鳥得茂樹。涸魚反清源。捨此欲焉往。人間多險艱。注大正本脫二字

登香爐峰頂

同前

迢迢香爐峰。心存耳目想。終年牽物役。今日方一往。攀蘿蹋危石。

宋陳舜俞廬山記合校本

卷四

五九 重修廬山志副刊品

手足勞俯仰。同遊三四人。注二一人不敢上。上到峰之頂。目眩神

作兩

怳怳。高低有萬尋。闊狹無數丈。不窮視聽界。焉識宇宙廣。江水細如繩。溢城小於掌。紛吾何屑屑。未能脫塵鞅。歸去思自嗟。低頭入

蟻壤。注大正本誤三字

宿簡寂觀

同前

巖白雲尙屯。林紅葉初隕。秋光引閑步。不知行遠近。夕投靈洞宿。臥覺塵機泯。名利心既忘。市朝夢亦盡。暫來尙如此。況乃終身隱。何以療夜飢。一匙雲母粉。注大正本誤二字

宿西林寺

同前

木落天晴山翠開。愛山騎馬入山來。心知不及柴桑令。一宿西林便却回。

西林寺早起東林滿上人之會因寄崔二十二員外 同前

謫辭魏闕鵷鷺隔。老入廬山麋鹿隨。薄暮蕭條投寺宿。凌晨清淨與僧期。雙林我起聞鐘後。隻日君趨入閣時。鵬鷃高低分皆定。莫勞心力遠相思。

題廬山山下湯泉

同前

一眼湯泉流向東。浸泥澆草煖無功。驪山溫水因何事。流入金鋪玉甃中。

上香爐峰

同前

倚石攀蘿歇病身。青筇竹杖白紗巾。他時畫出廬山障。便是香爐峰上人。

香爐峰下山居草堂初成偶題東壁

五架三間新草堂。石堦桂柱竹編牆。南簷納日冬天暖。北戶迎風夏月涼。灑砌飛泉纔有點。拂窗斜竹未成行。來春更葺東廂屋。紙閣蘆簾

宋陳舜俞廬山記合校本

卷四

六十

重修廬山志副刊品

著孟光。

注大正本
誤五字

注題壁詩共五首
陳紀錄其一耳

戲贈李十三判官

同前

垂鞭相送醉醺醺。遙見廬山指似君。想君初覺從軍樂。未愛香爐峯上人。

攜諸山客同上香爐峯遇雨而還沾濡狼藉互相笑謔題此解嘲

同前

蕭洒登山去。龍鍾遇雨回。磴危攀薜荔。石滑踐莓苔。襪污君相謔。鞋穿我自哈。莫欺泥土脚。曾踏玉階來。

讀靈徹詩

同前

東林寺裏西廊下。片石鐫題數首詩。言句怪來還校別。看名知是老湯師。

注大正本
誤一字

別草堂三絕句

同前

正聽山鳥向陽眠。黃紙除書落枕前。爲感君恩須暫起。廬峰不擬住多

年。
久眠褐被爲居士。忽掛緋袍作使君。身出草堂心不出。廬山未更勒移文。

三間茆舍向山開。一帶山泉繞舍回。山色水聲莫惆悵。三年官滿却注一作歸來。注大正本三詩共誤四字

題別遺愛草堂兼呈李十使君李亦廬山人常隱白鹿洞注大正本題下原注誤三字 同前

曾住鑪峯下。書堂對藥臺。斬新蘿徑合。依舊竹窗開。砌水親曾決。池荷手自栽。五年方暫至。一宿又須回。縱未長歸得。猶勝不到來。君家白鹿洞。聞道亦生苔。

草堂前新開一池養魚種荷日有幽趣

淙淙三峽水。浩浩萬頃陂。未如新塘上。微風動漣漪。小萍如汎汎。初蒲正離離。紅鯉二三寸。白蓮八九枝。遶水欲成徑。護堤方插籬。

宋陳舜俞廬山記合校本 卷四 六一 重修廬山志副刊品

已被山中客。呼作白家池。

白雲期黃石巖下作

同前

三十氣太壯。胸中多是非。六十身太老。四體不支持。四十至五十。正是退閒時。年長識命分。心慵少營爲。見酒興猶在。登山力未衰。吾年幸當此。且與白雲期。

出山吟

同前

朝詠遊仙詩。暮歌采薇曲。臥雲坐白石。山中十五宿。行隨出洞水。迴別緣巖竹。早晚重來遊。心期瑤草綠。注大正本誤二字

題遠大師墳

僧靈徹

古墓石稜稜。寒雲晚景凝。空悲虎溪月。不見雁門僧。

東林寺寄包侍郎

同前

古殿清注清一陰山注山一木春。池邊跂注一石一觀身。誰能來此注來

作山 作花

作跌



此一伴我焚香坐。共作鑪注一峰二十人。

題西林寺水堂奉寄武陽公

同前

日日愛山歸已遲。閑閑空度少年時。餘身定寄林中老。心與長松片石期。

簡寂觀

注康熙本毛志為釋若虛作若虛是否靈徹之後待考

同前

古松古柏巖壁間。猿攀鶴巢古枝折。五月有霜六月寒。時見山翁來取雪。

注大本誤五字

五老峰大明觀贈隱者

桃係

雲觀此山北。與君攜手稀。林端涉橫水。洞口入斜暉。乍覺注一鸞鶴邈。忽為煙霧飛。故人清和客。默會琴心微。丹術幸可授。青龍當來注一歸。悠悠平生意。此日復相違。

簡寂觀

孫飭

宋陳舜俞廬山記合校本

卷四

六一

重修廬山志副刊品

廊殿與雲連。紫霄蒼翠邊。自然應有藥。誰敢道無仙。薛色吞崖徑。松聲讓瀑泉。未能長息去。豈便是前緣。

宿青牛谷梁鍊師仙居

楊衡

隨雲步入青牛谷。青牛道士留我宿。可憐夜久月明中。唯有壇邊一枝竹。

寵廬山隱者

同前

風鳴雲外鐘。鶴宿千年松。相思杳不見。月出山重重。

瀑布

江為

廬山正南面。瀑布古來聞。萬里朝滄海。千尋出白雲。寒聲終自遠。靈派孰為分。除却天台後。平流莫可群。

簡寂觀

同前

纔入玄都解鬱陶。羽人相伴遍遊遨。溪橫洞口紅塵斷。岳聳天心紫氣

高。金井泉秋光潏灑。石壇松古韻蕭颺。吟餘却嘆浮生事。畫□□□
□□□。

簡寂觀

同前

錢燼滿庭人醮罷。西峰涼影月沈沈。到來往事碑中說。壇畔徘徊秋正深。

去東林

曹汾

峰頭不住起孤煙。池上相留有白蓮。塵網分明知束縛。要須騎馬別雲

泉。

會昌三年七月十五日題汾開成四年崔蠡下進士後為中書舍人刑戶部侍郎忠武軍節度使

予自右轄出鎮鍾陵祕監家兄不忍遠別函見宰坐求替遂得同赴江西時也薦福大德顯公禪門上首言歸東林亦獲結侶道路陪遊每承清論今過寺因留題詩一首。

裴休

麟臺朝士辭書府。鳳闕禪宗出帝京。歸到雙林親慧遠。行過五柳謁淵

宋陳舜俞廬山記合校本

卷四

六二一 重修廬山志副刊品

明。白衣居士輕班爵。敗口高僧口口情。引得病夫無外想。二心師事
□□□

和舍弟寄題東林寺

裴謨

元非附鳳攀龍客。本是山猿野鹿身。虛向班行紆祖紱。爭如□□□□
塵。歡同玉李為良伴。喜奉金□□□因。今日香爐峰下過。方欣物外
有遺民。

簡寂觀

沈彬

山藏勝境當□□。□□樓臺洞府開。白髮滿頭誰肯到。蒼苔盈步自偷
注倫字來。疑誤風帆閑事拋三日。玉液長生念一盃。此路有心星月在。杏
壇仙侶莫相猜。

再到東林寺

同前

十五年前還到此。池深苔蘚樹垂藤。重遊數處心傷日。不見舊時頭白

僧。花有露含長夜月。殿無風動徹明燈。堪驚此去老又老。未有更來
能不能。

瀑布

同前

瀉出岳中源化水。噴成瀑布世還希。雖如仙女偷來織。不見山公採得
歸。萬古色嫌明月薄。千尋勇學白雲飛。若言真箇堪裁剪。預被豪家
買作衣。

望廬山

同前

東過匡廬忍醉眠。雙眸盡日掛危巔。壓低吳楚殺涵注殺涵二字待考水。約破
雲霞獨倚天。一面峭來無鳥徑。數峰狂欲趁漁舡。江人莫笑偏凝望。
卜隱長思瀑布前。

題東林寺

布衣周磻

大中天子海恩深。再使迷徒識佛心。半死白蓮初降雨。欲成荒地又鋪

宋陳舜俞廬山記合校本

卷四

六四 重修廬山志副刊品

金。僧開石室經猶在。虎印溪泉跡未沈。誰謂五湖書劍客。此生重得
見東林。

再崇玄法象西天。宏閣新高碧嶂前。風送片雲招白馬。鶴迎貧女施金
錢。沙門覓佛曾諳路。苦海悲人易得舡。三教共興談帝道。大中年是
太平年。

題東林寺四首

禪月大師貫休

閒行閒坐思攀緣。多是東林古寺前。小瀑便高三百尺。短松多是一千
年。盧楞伽畫苔漫盡。殷仲堪碑雨滴穿。今欲更崇蓮社去。不知誰是
古諸賢。

白旃檀花露滴滴。碧蕊蕩草香濛濛。田地更無塵一點。是何人合住其
中。

玉像珠龕香陣橫。錦霞多傍石壇生。辟蛇行者今何在。峰頂唯聞鳩鳥

聲。

桓玄舊輦殘雲濕。耶舍孤墳落照遲。有箇老僧倚松樹。恐人偷取白猿兒。

懷西林寺諸道者

同前

鳥外更誰親。諸峰即四隣。白頭寒枕石。青袖瀾無塵。橡栗堆行逕。猿猴遶定身。儻然重結社。願作掃壇人。

題東林寺

荆門僧齊已

峰前林下東西寺。地角天涯來往僧。泉石靜流閑世界。雲松寒濕畫香燈。爭如大士重修社。合有諸賢更服膺。曾寄隣房掛瓶錫。喧聞巖溜解春冰。

遠公影堂

同前

白藕池邊舊影堂。劉雷風骨盡龍章。共輕天子諸侯貴。同愛吾師一法

宋陳舜俞廬山記合校本

卷四

六五

重修廬山志副刊品

長。陶令醉多招不得。謝公心亂入無方。何人到此思高躅。風默苔痕滿粉牆。

簡寂觀

同前

萬壑雲霞影。千年松檜聲。如何教下士。容易信長生。月共虛無白。香和沉澹清。閑尋古廊畫。記得列仙名。

注大正本原清。注澹為澹誤。

落星寺

同前

此星何事下穹蒼。獨爲僧居化渺茫。樓閣雨回青嶂冷。幹注幹字窗風疑誤渡白蘋香。經秋遠雁橫高漠。颺月寒濤響夜堂。盡日凭欄聊寫望。頓疑身忽在瀟湘。

西林水閣

同前

松楸連塔古。窗檻任閑開。水遶清陰裏。人從熱處來。噪風蟬帶鶴。欹樹石兼苔。向曉東林下。遲遲捨此迴。

題東林寺聯句

古殿巍峨鎮碧峯。晉朝靈應顯神蹤。鐘。節度使特進檢校尉平章事徐知証林間野鳥驚寅梵。嶺上孤猿聽晚

鐘。脫注雁下冷雲生曉檻。虎溪秋月照寒松。賜紫僧虔

修香飛寶殿籠金像。檜倚松窗覆玉容。道士李玄蝶戀半巖花灼灼。鹿眠深

谷草茸茸。觀察推官賜紫金魚袋李遊僧駐錫心皆佛。老樹擎煙勢似龍。觀察推官

三竹蔭禪扉青靄合。嵐蒸幽徑綠苔封。司理參軍掌表奏孟拱辰流泉遶砌清聲遠。

列嘯趨門更懂懂。高吟況愛無塵境。吟訪空關不厭重。管句官賜紫金魚袋鍾敬倫

注大正本原
注有誤字
天祚二年三月十六日偶與幕客門館僧道閑遊聯題

題東林二首

文通大師匡白

東林佳景一何長。蘭蕙生多地亦香。堪嘆世人來不得。便隨雲樹老何妨。倚天蒼翠晴當戶。落缺潺湲夜遶廊。到此祇除重結社。自餘閑事

宋陳舜俞廬山記合校本

卷四

六六

重修廬山志副刊品

莫思量。

東林繼四絕。物象更清幽。社客去不返。鐘峯雲也秋。松枯群狖散。

溪大蠹槎流。待卜歸休計。重來臥石樓。

人似鶴紅鹿。路上事如麻。注此二句有訛奪字石肥滯雨添。蒼口。水賦長松落翠

花。莫道此間無我分。遺民長在惠持家。

注以上三詩有錯簡處

落星寺

同前

是嶽皆遊遍。南來吳楚間。偶登湖裏寺。疑到海中山。獨樹蒨注蒨字疑誤

蘿濕。遙汀白鳥閑。終頃注頃疑須之誤謝浮世。高臥聽潺湲。注大正本原

似句起至卷末元祿本無之

廬山記卷第四

一校了於字莫改

右留題篇。載詩九十三首。訛奪衍字極多。有爲大正本據元祿本校正仍有誤者。有訛誤無從校正者。大正本原爲活字排印。故又有爲手民排誤者。直校不勝校。茲將各詩就本人原集逕爲刊正。無專集。或山中無從覓其原集者。則從別本校勘之。別本亦無從得者。則闕疑。因與前後數篇。校勘之例。稍有變易。故附述之。